

春秋左傳杜注

春秋左傳杜注卷第二十二

華亭姚培謙

昭公

經八年春陳侯之弟招殺陳世子偃師

以首惡從殺例故稱弟又稱世

子招常遣反

○夏四月辛丑陳侯溺卒

襄二十七年大夫盟于宋

○叔弓如

晉○楚人執陳行人于徵師殺之

稱行人明非行人罪

○陳公

子留出奔鄭

留為招所立未成君而出奔

○秋蒐于

紅革車千乘不言大者經文闕也紅魯地湖

國蕭縣西有紅亭遠疑

○陳人殺其大夫公子過

與招共殺偃師書名罪之○過平聲

○

大雩

無傳不早而秋雩過也

○冬十月壬午楚師滅陳

不稱將帥不以告壬午月十八

日 執陳公子招放之于越

無傳復稱公子兄已卒

殺陳孔奭

無傳

殺 ○葬陳哀公 嬖人袁克葬之

魯往會故書

傳八年春石言于晉魏榆

魏榆晉地。服氏虔曰魏邑榆州里名。今山西太原府榆次縣西北有榆

次故城通典曰晉魏榆邑也

晉侯問於師曠曰石何故言對曰石不

能言或馮焉

謂有精神馮依石而言

不然民聽濫也

濫失也。或民聽濫失實無言而妄稱有

也抑臣又聞之

抑疑辭

曰作事不時怨讟動於民則有

非言之物而言今宮室崇侈民力彫盡

彫傷也

怨讟竝

作莫保其性

性命也民不敢自保其性命

石言不亦宜乎於是晉侯

方築虎祁之宮

虎祁地名在絳西四十里臨汾水。音斯。今在山西平陽府曲沃縣西

叔向曰

子野之言君子哉子野師君子之言信而有徵故怨

遠於其身怨咎遠其身也小人之言僭而無徵故怨咎及之

詩曰哀哉不能言匪舌是出唯躬是瘁詩小雅也不能言謂不知言理

以僭言見退者其言非不從舌出以僭而無信自取瘁病故哀之哿矣能言巧言如流俾躬處

休其是之謂乎哿嘉也巧言如流謂非正言而順敘以聽言見答者言其可嘉以信而有徵自取安逸師曠此言緣問流

轉終歸于諫故以比巧言如流也當叔向時詩義如此故與今說詩者小異是宮也成諸侯必叛

君必有咎夫子知之矣為十年晉侯彪卒傳

○陳哀公元妃鄭姬生悼太子偃師元妃嫡夫人也二妃生

公子留下妃生公子勝二妃嬖留有寵屬諸司徒

招與公子過

招及過皆哀公弟也

哀公有廢疾三月甲申公子

招公子過殺悼太子偃師而立公子留夏四月辛

亥哀公縊

憂志自殺絕書幸丑從赴志一睡反

干徵師赴于楚

干徵師陳大夫

且告

有立君公子勝愬之于楚

以招過殺偃師告愬也

楚人執而殺之

殺干徵師

公子留奔鄭書曰陳侯之弟招殺陳世子偃師

罪在招也楚人執陳行人干徵師殺之罪不在行

人也

疑為招赴楚當同罪故重發之

○叔弓如晉賀虎祁也

賀官成

游吉相鄭伯以如晉亦

賀虎祁也史趙見子大叔曰甚哉其相蒙也

蒙欺可也

弔也而又賀之子犬叔曰若何弔也其非唯我賀

將天下實賀

言諸侯畏晉非獨鄭

○秋大蒐于紅自根牟至于商衛革車千乘

大蒐數軍實

車馬也根牟魯東界琅琊陽都縣有牟鄉商宋地魯西竟接宋衛也言千乘明大蒐且見魯眾之大數也

○七月甲戌齊子尾卒子旗欲治其室

子旗無施也欲并治子尾之家

政丁丑殺梁嬰

梁嬰子尾家宰

八月庚戌逐子成子工子車

三子齊大夫子尾之屬子成頃公子固也子工成之弟鑄也子車頃公之孫捷也

皆來奔

不書非卿

而立子良氏

之宰

子良子尾之子高彊也子旗為子良立宰

其臣曰孺子長矣

孺子謂子良

而相吾

室欲兼我也

兼并也

授甲將攻之陳桓子善於子尾亦

授甲將助之。或告子旗。子旗不信。則數人告。將往。

又數人告於道。遂如陳氏。○將往子良之家。又數人告不使敢向子良之家。遂如陳氏。桓

子將出矣。聞之而還。開子旗至游服而逆之。去戎備著常游戲之服請命

問桓子所至對曰。聞彊氏授甲將攻子。子聞諸。曰。弗聞。子

盍亦授甲。無字請從。無字桓子名子旗曰。子胡然。彼孺子

也。吾誨之。猶懼其不濟。吾又寵秩之。謂為之立宰其若先

人何。子盍謂之。謂之使無攻我周書曰。惠不惠。茂不茂。周書康誥也言

當施惠於不惠者。勸勉於不勉者。茂勉也。康叔所以服弘大也。服行也。桓子稽顙曰。

頃靈福子。頃公靈公康氏所事之君。稽音林。頃音傾。吾猶有望。望子旗惠及已遂和之。

如初 和樂高  
二家

○陳公子招歸罪於公子過而殺之 言招所以不  
死而得放

○九月楚公子弃疾帥師奉孫吳圍陳 孫吳悼太子偃  
師之子惠公

宋戴惡會之 戴惡宋  
大夫 冬十一月壬午滅陳 壬午十月十八  
日傳言十一月誤

與嬖袁克殺馬毀玉以葬 與衆也袁克嬖人之貴者欲以非禮  
厚葬哀公○服氏虔曰馬陳侯所乘

玉陳侯所佩故  
不欲使楚得之 楚人將殺之請寘之 置馬  
玉 既又請私 私盡君  
臣恩

私於幄加絰於顙而逃 幄帳也逃不  
欲為楚臣 使穿封戌為陳公

戌楚大夫滅陳為  
縣使戌為縣公 曰城麋之役不諂 城麋役在襄二十六  
年戌與靈王爭皇顙 侍飲

酒於王王曰城麋之役汝知寡人之及此女其辟



寡人乎

及此謂為王

對曰若知君之及此臣必致死禮以

息楚

息寧靜也

晉侯問於史趙曰陳其遂亡乎對曰未也

公曰何故對曰陳顓頊之族也

陳祖舜舜出顓頊

歲在鶉火

是以卒滅陳將如之

顓頊氏以歲在鶉火而滅火盛而水滅。孔疏歲星天之貴神所在必昌鶉火得歲而火

益盛火盛而水滅顓頊水德故以此

年終陳是顓頊之族故知滅將如之今在析木之津猶將復由

箕斗之間有天漢故謂之析木之津由用也。言將復用是而更興

且陳氏得政于齊而後陳卒

亡物莫能

兩感

自幕至于瞽瞍無違命

幕舜之先瞽瞍舜父從幕至瞽瞍間無違天命廢絕者。

孔疏帝系云顓頊生窮蟬窮蟬生敬康敬康生句芒句芒生蟠牛蟠牛生瞽瞍不知幕于蟠牛以前是誰名字之異也

舜重之以

明德實德於遂

遂舜後蓋殷之與存舜之後而封遂言舜德乃至於遂

遂世守之及胡

公不淫。故周賜之姓。使祀虞帝。胡公滿遂之後也。事周成王。賜姓曰姬。封諸陳。紹舜後。

臣聞盛德必百世祀。虞之世數未也。繼守將在齊。

其兆既存矣。言陳氏興盛於齊。形兆已見。

經九年春。叔弓會楚子于陳。以事往。非行會禮。許遷于夷。

許畏鄭欲遷。故以自遷為文。夏四月。陳災。天火曰災。陳既已滅。降為楚縣。而書陳災者。猶晉之梁山沙鹿崩。不書晉。

災害繫於所災所害。故以所在為名。秋。仲孫貜如齊。○貜。俱。緝反。

仲孫。貜子。久。築郎囿。

傳九年春。叔弓宋華亥鄭游吉衛趙厲會楚子于

陳。楚子在陳。故四國大夫往。非盟主所召。不行會禮。故不總書。○厲。於滅反。

○二月庚申楚公子弃疾遷許于夷實城父此時改城父為

夷故傳實之城父縣屬譙郡。今江南鳳陽府亳州東南七十里有城父故城。取州來淮北之田以益

之益許田伍舉授許男田。然丹遷城父人於陳以夷濮

西田益之。以夷田在濮水西昔與城父人。水經注夏肥水上承沙水東南運城父縣故城春秋所謂夷田在濮水西者也。蓋濮水亦稱

沙遷方城外於許。成十五年許遷於葉因謂之許。今許遷於夷故以方城外入實其處傳言靈王使民

不安

○周甘人與晉閻嘉爭閻田。甘人甘大夫襄也閻嘉晉閻縣大夫。閻以廉反蓋與甘相近

地晉梁丙張趯率陰戎伐潁。除戎陸渾之戎潁周邑。陸渾故城在今河南河南府嵩縣北

二十王使詹桓伯辭於晉。辭責讓之桓伯周大夫曰我自夏以后稷

魏駘芮岐畢吾西土也

在夏世以后稷功受此五國為西土之長駘在始平武功縣所治釐城岐在扶

風美陽縣西北○駘他來反依字應作郃駘他來反○今武功縣屬陝西西安府乾州古釐城在縣南八里

及武王克商

蒲姑商奄吾東土也

樂安博昌縣北有蒲姑城○奄於檢反○史記作薄姑今山東青州府博興縣東南十五

里有薄姑故城服氏虔曰蒲姑齊也商奄魯也

巴濮楚鄧吾南土也 肅慎燕亳吾

北土也

肅慎北夷在玄菟北三千餘里○韋氏昭曰肅慎去扶餘千里孔疏玄菟在遼東北金為上京會寧府今屬盛京史秦本紀寧公與

亳戰亳王奔戎皇甫氏謚曰西戎之國也

吾何邇封之有

邇近也○言我之封疆何近之有

文武成

康之建母弟以蕃屏周亦其廢隊是為

為後世廢隊兄弟之國當救濟

之○屏必并反為去聲

豈如弁髦而因以敝之

童子垂髦始冠必三加冠成禮而弁其始冠故言弁髦因

以敝之弁亦冠也○髦音毛孔疏弁謂縹布冠髦謂童子垂髦凡加冠之禮先用縹布之冠敝括垂髦三加之後去縹布之冠不復更用故云因以敝之

今王自比豈得將王室如縞布冠加髮之後不須復用國以  
敵之猶言以我王家封建晉國之後因即弃而不事之也  
先王居禱杙

于四裔以禦魍魎言禱杙舉四凶之一下言四裔則三苗在其中○裔以制反故允姓之

姦居于瓜州允姓除戎之祖與三苗俱故三危者瓜州今敦煌伯父惠公歸自秦而

誘以來僖十五年晉惠公自秦歸二十二年秦晉遷陸渾之戎於伊川使偪我諸姬入我郊

甸則戎焉取之邑外為郊郊外為甸言戎取周郊甸之地○若不由晉則戎何得取周之地也我有中

國誰之咎也咎在晉后稷封殖天下今戎制之不亦難

乎后稷脩封疆殖五穀今戎得之唯以畜牧伯父圖之我在伯父猶衣服之有

冠冕木水之有本原民人之有謀主也民人謀主宗族之師長伯

父若裂冠毀冕拔本塞原專弃謀主雖戎狄其何

有余一人

伯父猶然則雖戎狄無所可責晉率陰戎伐周邑故云然

叔向謂宣子曰文之

伯也豈能改物

言文公雖霸未能改正朔易服色○伯音霸

翼戴天子而加之

以共也

翼佐也自文以來世有衰德而暴滅宗周

宗周天子以宣

示其侈諸侯之貳不亦宜乎且王辭直子其圖之

宣子說王有姻喪

外親之喪

使趙成如周弔且致閭田與

遂

說遂死衣

反潁俘王亦使賓滑執甘大夫襄以說於晉

晉人禮而歸之

賓滑周大夫

○夏四月陳災鄭裨竈曰五年陳將復封封五十

二年而遂亡子產問其故對曰陳水屬也

陳潁項之後故為水屬

火水妃也。火畏水。故為之妃。而楚所相也。相治也。楚之先祝融為高辛氏火正。主治火事。今

火出而火陳。火心星也。火出於周為五月。而以四月出者。以長歷推前年誤置閏。逐楚而建陳也。

水得妃而興。陳與則楚衰。故曰逐楚而建陳。逐去楚人之在陳者。若穿封成。為陳公也。妃以五成。故曰五

年。妃合也。五行各相。妃合得五而成。故五歲而陳復封。為十三年。陳侯吳歸于陳。傳。妃音配。邵氏寶曰。天一生水。至地六乃成。越五數矣。故曰

五成。歲五及鶉火。而後陳卒亡。楚克有之。天之道也。

故曰五十二年。是歲歲在星紀。五歲及大梁。而陳復封。自大梁四歲。而及鶉火。後四周四十八歲。凡五及鶉火。五十二年。

天數以五為紀。故五及鶉火。火盛水衰。

○晉荀盈如齊。逆女。自為逆。還。六月。卒于戲陽。魏郡內黃縣。北有戲陽城。

戲平聲。殯于絳。未葬。晉侯飲酒。樂膳宰屠蒯趨入。請佐。

公使尊公之使人執尊許之公許之而遂酌以飲工工樂師師曠也。飲去聲。

下曰。女為君耳。將司聰也。樂所以聰耳。辰在子卯。謂之疾

日。疾惡也。紂以甲子喪桀。以乙卯亡。故國君以為忌日。君徹宴樂。學人舍業。言不習樂。為疾

故也。君之卿佐。是謂股肱。股肱或虧。何痛如之。言痛疾過。

於忌日。女弗聞而樂。是不聰也。不聞是義。而作樂。又飲外嬖嬖叔

外都大夫。曰。女為君目。將司明也。職在外。故主視。服以旌禮。旌表也。

禮以行事。事政令。事有其物。物類也。物有其容。容貌也。孔疏。禮有士凶之異。作衣服以

表之。是服以旌禮也。六冕以祭。視皮弁以視朝。韋弁以即戎。冠弁以田獵。如此之類。是禮以行事也。哀有哭泣。樂有歌舞。如此之類。是事有其物。言行事各

有其物類也。衰麻則有衰色。端冕則有敬色。介冑則有不可犯之色。如此之類。是物有其容也。今君之容。非其物



也。有卿佐之喪而作樂歡會故曰非其物而女不見是不明也亦自飲也曰

味以行氣氣以實志氣和則志充志以定言在心為志發口為言言以

出令臣實司味二御失官而君弗命臣之罪也工與雙叔

侍御君者失官不聰明。言二侍御者並失其官而君不出命令。公說徹以罪之。必是調和食味失宜。故君無志氣以定言出令。罪在我也。

酒初公欲廢知氏而立其外嬖為是悛而止秋八

月使荀躒佐下軍以說焉躒荀盈之子知文子也佐下軍代父也說自解說。躒力狄反。

○孟僖子如齊殷聘禮也自叔老聘齊至今二十年禮意久曠今脩盛聘以無忘舊好故曰禮

○冬築郎囿書時也季平子欲其速成也叔孫昭

子曰詩曰經始勿亟庶民子來詩大雅言文王始經營重臺非急疾之服民自以子義來

勦勞也。勦初交反。焉用速成其以勦民也。無囿猶可無民

其可乎

經十年春王正月○夏齊樂施來奔嗜酒好內以取敗亡故書名○

秋七月季孫意如叔弓仲孫纘帥師伐莒三大夫皆卿故書之季孫

為主二子從之○戊子晉侯彪卒五同盟○九月叔孫婁如晉葬

晉平公三月而葬速○十有二月甲子宋公成卒十一同盟也無冬史闕文

傳十年春王正月有星出于婺女客星也不書非字。婺武付反鄭裨

竈言於子產曰七月戊子晉君將死今茲歲在顛

頊之虛歲歲星也顛頊之虛謂玄枵。虛起魚反。孔疏釋天云玄枵虛也。顛頊之虛虛也。郭璞曰虛在正北。顛頊水德位在北方。當以北

方三次以玄枵為中玄枵次有三宿又虛在其中以水在北顛頊居之故謂玄枵虛星為顛頊之虛也

姜氏任氏實守其地姜齊姓任薛姓齊薛居其維首而有妖星焉告邑姜

也客星居玄枵之維首邑姜齊大公女晉唐叔之母星占娶女為既嫁之女織女為處女邑姜齊之既嫁女妖星在娶女齊得歲故知禍歸邑姜

○孔疏維者綱也玄枵次有三宿女為其初女是次之綱維也居其維首謂星居之也其玄枵維首而有妖異之星以將死之妖告邑姜也邑姜齊女告

邑姜言其子孫當死邑姜晉之妣也天以七紀二十八宿戊子逢公

以登星斯於是乎出逢公殷諸侯居齊地者逢公將死妖星出娶女時非歲星所在故齊自當禍而以戊子曰

卒吾是以譏之為晉侯彪卒傳○譏祭也

○齊惠欒高氏皆者酒欒高二族皆出惠公信內多怨說婦人言故多怨

彊於陳鮑氏而惡之惡陳鮑夏有告陳桓子曰子旗子

良將攻陳鮑亦告鮑氏桓子授甲而如鮑氏遭子

良醉而騁

欲及子良醉故驅告鮑文子

遂見文子

文子鮑

則亦授甲矣使

視二子

二子子旗子良

則皆將飲酒桓子曰彼雖不信

彼傳言者聞

我授甲則必逐我及其飲酒也先伐諸陳鮑方睦

遂伐欒高氏子良曰先得公陳鮑焉往

欲以公自輔助

遂伐

虎門

欲入公不聽故伐公門路寢門畫虎故名

晏平仲端委立于虎門之外

端委朝服

四族召之無所往

四族欒高陳鮑

其徒曰助陳鮑乎曰何

善焉

言無善義可助

助欒高乎曰庸愈乎

罪惡不差於陳鮑○差初賣反

然則歸

乎曰君伐焉歸公召之而後入公卜使王黑以靈

姑鉞率吉請斷三尺馬而用之

王黑齊大夫靈姑鉞公旗名斷三尺不敢與君同。鉞音

丕斷丁管反。謂斷其旂也。

五月庚辰戰于稷

稷祀后稷之處。稷地名。六國時齊有稷下館。在今山東青州

府臨淄縣古臨淄城西

藥高敗又敗諸莊

莊六軌之道

國人追之又敗諸

鹿門

鹿門齊城門

藥施高彊來奔

高彊不書非卿

陳鮑分其室晏子

謂桓子必致諸公讓德之主也讓之謂懿德凡有

血氣皆有爭心故利不可強

不可強取

思義為愈義利之

本也。蒞利生孽

蒞音也孽妖害也。蒞紆粉反

姑使無蒞乎可以滋長

桓子盡致諸公而請老于莒

莒齊邑

桓子名子山

子山子商子周

襄三十一年子尾所逐羣公子

私具幄幕器用從者之衣履

私具不告公

而反

棘焉

棘子山故邑齊國西安縣東有戟里亭。後漢志作棘里今臨淄縣西北有棘里亭。

子商亦如之而反

其邑子周亦如之而與之夫子

子周本無邑故更與之濟南於陵縣西北有于亭。今於

陵城在長山縣南二十里屬山東濟南府

反子城子公公孫捷

三子八年子旗所逐

而皆益

其祿凡公子公孫之無祿者私分之邑

桓子以己邑分之

國

之貧約孤寡者私與之粟曰詩云陳錫載周能施

也

詩大雅言文王能布陳大利以賜天下行之周徧。施去聲。

桓公是以霸

齊桓公亦能施以致霸

公與

桓子莒之旁邑辭

讓不受

穆孟姬為之請高唐陳氏始

大

穆孟姬景公母傳言陳氏所以興

○秋七月平子伐莒取鄭

鄭莒邑取鄭不書公見討於平邱魯諱之。鄭音梗。當在今山東青州

府沂水縣界

獻俘始用人於亳社

以人祭殷社

臧武仲在齊聞之

曰周公其不饗魯祭乎周公饗義魯無義詩曰德

音孔昭視民不佻

詩小雅佻偷也言明德君子必愛民○視詩作示

佻之謂甚矣而

壹用之將誰福哉

壹同也同人於畜牲

○戊子晉平公卒

如禫寔之言

鄭伯如晉及河晉人辭之

游吉遂如晉

禮諸侯不相弔故辭

九月叔孫婁齊國弱宋華定

衛北宮喜鄭罕虎許人曹人莒人邾人滕人薛人

杞人小邾人如晉葬平公也

經不書諸侯大夫者非盟會

鄭子皮將

以幣行之

見新君之贊

子產曰喪焉用幣用幣必百兩

載幣用車百乘

百兩必千人。千人至，將不行也。行用不行，必盡用之。不得見新

君將自費用盡幾千人而國不亡。言千人之費不可數。幾音紀，數所角反。子皮固請以

行。既葬，諸侯之大夫欲因見新君。叔孫昭子曰：非

禮也。弗聽。叔向辭之曰：大夫之事畢矣。送葬禮畢而又命

孤，孤斬焉。在衰經之中。既葬未卒哭，故猶服斬衰。其以嘉服見，則喪

禮未畢。其以喪服見，是重受弔也。大夫將若之何。

皆無辭以見。子皮盡用其幣。歸，謂子羽曰：非知之

實難，將在行之。言不患不知，患不能行。夫子知之矣。我則不足。言己

產之戒，既知其不可而遂行之，是我之不足。書曰：欲敗度，縱敗禮。逸書。商書太甲篇。我之



謂矣。夫子知度與禮矣。我實縱欲而不能自克也。

欲因喪以慶新君故縱而行之不能自勝

昭子至自晉。大夫皆見。高彊見而退。

高彊子良

昭子語諸大夫曰。為人子不可不慎也哉。昔慶

封亡。子尾多受邑。而稍致諸君。君以為忠。而其寵

之將死。疾于公宮。

在公宮被疾

輦而歸。君親推之。

推其車而送之。推。

他回反

其子不能任。是以在此。忠為令德。其子弗能任。

罪猶及之。難不慎也。

言不可不慎

喪夫人之力。弃德曠宗。

以及其身。不亦害乎。

夫人謂子尾曠空也。使其宗廟曠而不祀。

詩曰。不自我

先。不自我後。其是之謂乎。

詩小雅言禍亂不在他。正當己身。以喻高彊身自取此禍。

○冬十二月宋平公卒初元公惡寺人柳欲殺之

元公平公犬子佐也

及喪柳熾炭于位

以温地

將至則去之

使公坐其處

比

葬又有寵

言元公好惡無常

經十有一年春王二月叔弓如宋葬宋平公○夏

四月丁巳楚子虔誘蔡侯般殺之于申

蔡侯雖弑父而立楚子誘而殺

之刑其羣士蔡大夫深怨故以楚子名告。般音班。高氏閔曰蔡般弑逆之罪雖義當討而楚子亦弑逆之賊也以賊討賊何辨曲直况楚子非真治

般志在滅蔡也故春秋書楚子虔蔡侯般同斥其名以見其罪同

楚公子弃疾帥師圍蔡○五

月甲申夫人歸氏薨

昭公母胡女歸姓

○大蒐于比蒲

音毗

仲孫矍會邾子盟于禚祥

禚祥地關。禚子鳩反。當在今山東兗州府滋陽縣境

○秋

季孫意如會晉韓起齊國弱宋華亥衛北宮佗鄭

罕虎曹人杞人于厥愁厥愁地關。佗徒何反。愁魚斯反。○九月己亥

葬我小君齊歸齊謚○冬十有一月丁酉楚師滅蔡

執蔡世子有以歸用之用之殺以祭山

傳十一年春王二月叔弓如宋葬平公也嬖以聘事行故傳具之

○景王問於萇弘曰今茲諸侯何實吉何實凶萇弘周大

夫。萇直良反。對曰蔡凶此蔡侯般弑其君之歲也歲在豕

韋襄三十年蔡世子般弑其君歲在豕韋至今十三歲歲復在豕韋般即靈侯也弗過此矣言蔡凶不楚

將有之然壅也蔡近楚故知楚將有之楚無德而享大利所以壅積其惡。顧氏炎武曰壅如以土壅水積之多而後決

之驟也。歲及大梁，蔡復楚凶。天之道也。楚靈王弒立之歲，歲在大梁。到昭十三年，歲復

在大梁，美惡周必復，故知楚凶。楚子在申，召蔡靈侯。靈侯將往，蔡大夫

曰：王貪而無信，唯蔡於感。蔡近楚之大國，故楚常恨其不服順。感，戶暗反。今幣重

而言甘，誘我也。不如無往。蔡侯不可。三月丙申，楚

子伏甲而饗蔡侯於申，醉而執之。夏四月丁巳，殺

之，刑其士七十人。公子弃疾帥師圍蔡。傳言楚子無道。韓宣

子問於叔向曰：楚其克乎？對曰：克哉！蔡侯獲罪於

其君，謂弒父而立。而不能其民，不能施德。天將假手於楚以斃之。

借楚手以討蔡。何故不克？然，胖聞之，不信，以幸，不可再也。楚

王奉孫吳以討於陳曰將定而國陳人聽命而遂

縣之事在八年今又誘蔡而殺其君以圍其國雖幸而克

必受其咎弗能久矣桀克有緡以喪其國紂克東

夷而隕其身紂為黎之蒐東夷叛之桀為仍之會有緡叛之故伐而克之楚小位下而亟

暴於二王○亟欺冀反數也數行暴虐甚於桀紂二王能無咎乎天之假助不

善非祚之也厚其凶惡而降之罰也且譬之如天

其有五材而將用之力盡而敝之是以無拯不可

沒振金木水火土五者為物用久則必有敝盡盡則弃捐故言無拯拯猶救助也不可沒振猶沒不可復振○言天之用楚亦如此也拯燕上

聲出溺為拯不可沒振申無拯之意

○五月齊歸薨大蒐于此蒲非禮也

○孟僖子會邾莊公盟于祲祥脩好禮也蒐非存亡之由故臨喪不

宜為之盟會以安社稷故喪盟謂之禮泉邱人有女夢以其帷幕孟氏之廟

泉邱魯邑○當在今兗州府寧陽泗水間幕音莫遂奔僖子其僚從之鄰女為僚友者隨而奔僖子

盟于清邱之社曰有子無相弃也二女自共盟僖子使助

遠氏之筮筮副倅也遠氏之女為僖子副妾別居在外故僖子納泉邱人女令副助之○遠為彼反遣初又反○倅七對反禮有副車

倅車皆謂副貳之車也筮亦副反自祲祥宿于遠氏生懿子

及南宮敬叔於泉邱人其僚無子使字敬叔字養也似雙生

○楚師在蔡向四月之師晉荀吳謂韓宣子曰不能救陳

又不能救蔡物以無親物事也。○言事事如此。故無人肯親我晉國。晉之不能

亦可知也。已為盟主而不恤亡國將焉用之。秋會

于厥愁謀救蔡也。不書救蔡。不果救。鄭子皮將行子產曰行

不遠不能救蔡也。蔡小而順楚大而不德天將

弃蔡以壅楚盈而罰之。惡。盈楚。蔡必亡矣。且喪君而能

守者鮮矣。三年王其有咎乎。美惡周必復。王惡周

矣。元年楚子弑君而立歲在大梁後。二年十三歲歲星周復於大梁。晉人使狐父請蔡于楚

弗許。狐父晉大夫。

○單子會韓宣子于戚。單子單成公。視下言徐。其言太徐。奄奄然。叔

向曰。單子其將死乎。朝有著定。著定。朝內列位常處。謂之表著。謂佇立定處。會

有表。野會設表以為位。衣有檜。帶有結。檜領會結帶結也。檜古外反。會朝之言。

必聞于表著之位。所以昭事序也。視不過結。檜之

中。所以道容貌也。道音導下同。言以命之。容貌以明之。失

則有關。今單子為王官伯。而命事於會。視不登帶。

言不過步。貌不道容。而言不昭矣。不道不共。不昭

不從。貌正曰共。言順曰從。洪範五事。貌曰恭。言曰從。謂容貌當恭恪。言是則可從也。無守氣矣。為此年冬單子卒起本。

言無守身之氣將必死。

○九月。葬齊歸公。不感。晉士之送葬者。歸以語史



趙史趙曰必為魯郊言昭公必出在郊野不能有國侍者曰何故曰歸

姓也不思親祖不歸也姓生也言不思親則不為祖考所歸佑叔向曰魯公

室其卑乎君有夫喪國不廢蒐謂蒐比蒲有三年之喪而

無一日之感國不恤喪不忌君也忌畏也君無感容不

顧親也國不忌君君不顧親能無卑乎殆其失國

為二十五年公孫於齊傳

○冬十一月楚子滅蔡用隱犬子于岡山蔡靈公之犬子蔡侯廬之

父申無宇曰不祥五牲不相為用况用諸侯乎五牲牛羊

豕犬王必悔之悔為暴虐

○十二月單成公卒終叔向之言

○楚子城陳蔡不羹襄城縣東南有不羹城定陵西北有不羹亭

羹也屬河南開封府舞陽縣北者東不羹即定陵之不羹亭也屬河南南陽府使弃疾為蔡公王問於

申無宇曰弃疾在蔡何如對曰擇子莫如父擇臣

莫如君鄭莊公城櫟而寘子元焉使昭公不立子元鄭公

子莊公寘子元於櫟桓十五年屬公因之以殺櫟大夫檀伯遂居櫟卒使昭公不安位而見殺齊桓公城穀而寘

管仲焉至于今賴之城穀在莊三十二年臣聞五大不在邊五

細不在庭上古金木水火土謂之五官立鳥氏丹鳥氏亦有五又以五鳩鳩民五雉為五工正蓋立官之本也未世隨事施職是以

官無常數今無宇稱習古言故云五大也言五官之長親不在外羈專盛過節則不可居邊細弱不勝任亦不可居朝廷

昭公  
聖傳

不在內。今弃疾在外。鄭丹在內。襄十九年。丹奔楚。君其少戒。

王曰：國有大城，何如？對曰：鄭京櫟實殺曼伯。曼伯，禮伯也。厲

公得櫟。又并京。宋蕭亳實殺子游。在莊十二年。齊渠邱實殺無知。在莊九年。

渠邱，今齊國西安縣也。齊大夫雍廩邑。衛蒲戚實出獻公。蒲，甯殖邑。戚，孫林父邑。出獻公在襄十四年。若

由是觀之，則害於國，末大必折。折其本。尾大不掉，君所

知也。為十三年陳蔡作亂傳。掉，徒弔反。

經十有二年春，齊高偃帥師，納北燕伯于陽。三年，燕伯出奔。

齊高偃，高偃之孫。齊大夫陽，即唐燕別邑。中山有唐縣，不言于燕，未得國都。今直隸保定府唐縣東有漢唐縣故城。春秋時曰陽也。○三

月壬申，鄭伯嘉卒。五同盟。○夏，宋公使華定來聘。定，華椒孫。○

公如晉。至河，乃復晉人以莒故辭公。○五月，葬鄭簡公。三月而葬速

○楚殺其大夫成熊。傳在葬簡公上，經從赴。○秋七月。○冬十月。

公子愁出奔齊。書名謀亂故也。○愁，魚鯁反。○劉氏敞曰：愁豈謀亂者哉？苟使愁無罪而奔，遂書其字乎。○楚

子伐徐。不書圍，以乾谿師告。○晉伐鮮虞。不書將帥，史闕文

**傳**十二年春，齊高偃納北燕伯款于唐，因其眾也。

言因唐眾欲納之，故得先入唐

○三月，鄭簡公卒，將為葬除。除葬道，為去聲。及游氏之廟

游氏子，大叔族，將毀焉。子大叔使其除，徒執用以立，而無庸

毀。用毀廟具。曰：子產過女，而問何故不毀，乃曰：不忍廟也。

諾將毀矣

教毀廟者之辭

既如是子產乃使辟之司墓之室

有當道者

簡公別營葬地不在鄭先公舊墓故道有臨時迂直也司墓之室鄭之掌公墓大夫徒屬之家

毀之則

朝而崩

崩下棺○崩比節反禮家作空彼驗反

弗毀則日中而崩子大叔請

毀之曰無若諸侯之賓何

不欲久留賓

子產曰諸侯之賓

能來會吾喪豈憚日中無損於賓而民不害何故

不為遂弗毀日中而葬君子謂子產於是乎知禮

禮無毀人以自成也

○夏宋華定來聘通嗣君也

宋元公新即位

公享之為賦蓼

蕭弗知又不答賦

蓼蕭詩小雅義取燕笑語是以有蓼蕭為賦與華定燕語也又曰既見君子為龍為光欲以

寵光賓也。又曰：宜兄宜弟，令德壽凱。言賓有令德，可以壽樂也。又曰：和鸞雍雍，萬福攸同。言欲與賓同福祿也。昭子曰：必亡。

宴語之不懷。懷，思也。寵光之不宣。宣，揚也。令德之不知，同福

之不受，將何以在。為二十年華定出奔傳。○孔疏：詩云：燕笑語兮，言定當思此笑語與主相對也。詩云：為龍為光。

定當應此寵光宣揚之也。詩云：令德壽凱，定當知已有德與否，須辭謝之也。詩云：萬福攸同，定當受同福荷君恩也。各準事而為之文。

○齊侯衛侯鄭伯如晉，朝嗣君也。晉昭公新立。公如晉。亦欲朝

君。至河乃復取鄭之役。在十年。莒人愬于晉，晉有平公

之喪，未之治也。故辭公。公子愁遂如晉。愁，魯大夫，如晉不書，還不復命。

而奔，故史不書於策。晉侯享諸侯，子產相鄭伯，辭於享，請免喪

而後聽命。簡公未葬。晉人許之禮也。善晉不奪，孝子之情。晉侯以齊侯

宴中行穆子相穆子投壺晉侯先穆子曰有酒如淮

有肉如坻淮水名坻山名寡君中此為諸侯師中之齊

侯舉矢曰有酒如澠有肉如陵澠水出齊國臨淄縣北入時水陵大阜也○中去聲下同

澠音寡人中此與君代興代興也亦中之伯瑕謂穆子伯瑕士支

伯曰子失辭吾固師諸侯矣壺何為焉其以中雋

也言投壺中不足為雋異齊君弱吾君歸弗來矣欲與晉君代興是弱之穆子曰

吾軍帥彊禦卒乘競勸今猶古也齊將何事言晉德不衰於

古齊不事晉將無所事○言齊何能為公孫僂趨進曰日旰君勤可以出矣

以齊侯出僂齊大夫傳言晉之衰○僂素口反旰古旦反

○楚子謂成虎若敖之餘也遂殺之成虎令尹子玉之孫與鬬氏同出於若敖

宣四年鬬椒作亂今楚子信譖而託討若敖之餘或譖成虎於楚子成虎知之而不

能行書曰楚殺其大夫成虎懷寵也解經所以書名

○六月葬鄭簡公傳終子產辭享明既葬則為免喪經書五月誤

○晉荀吳偽會齊師者假道於鮮虞遂入昔陽鮮虞白狄

別種在中山新市縣昔陽肥國都樂平沾縣東有昔陽城○今直隸真定府新樂縣西南有新市故城俗名新城舖其地有鮮虞亭山西太原府平定州

有昔陽城一說今真定府藁城縣西南昔陽亭是也此鼓之都非肥都秋八月壬午滅肥以肥子

縣臯歸肥白狄也縣臯其君名鉅鹿下曲陽縣西南有肥累城為下晉伐鮮虞起○今肥累城在藁城縣西南七里

○周原伯絞虐其與臣使曹逃原伯絞周大夫原公也與衆也曹魯也冬十



月壬申朔原輿人逐絞而立公子跪尋跪尋絞弟絞奔郊

地郊周

○甘簡公無子立其弟過甘簡公周卿士。過平聲下之子過同過將去成

景之族成公景公皆過之先君成景之族賂劉獻公欲使殺過劉獻公亦周卿士劉定公子

丙申殺甘悼公悼公即過而立成公之孫鮪鮪平公。鮪音秋丁酉

殺獻犬子之傅庾皮之子過過劉獻公犬子之傅殺瑕辛于市

及宮嬖綽王孫沒劉州鳩陰忌老陽子六子周大夫及庾過皆甘悼公

之黨傳言周衰原甘二族所以遂微

○季平子立而不禮於南蒯蒯南遺之子季氏費邑宰。費音秘南蒯謂

子仲子仲公

吾出季氏而歸其室於公

室季氏家財

子更其

位更代也

我以費為公臣子仲許之南蒯語叔仲穆子

且告之故

穆子叔仲帶之子叔仲小也。語以欲出季氏以不見禮故。

季悼子之卒也叔孫

昭子以再命為卿

悼子季武子之子平子父也。博言叔孫之見命乃在平子為卿之前。孔疏悼子之卒不書于經則

是未為卿也其卒當在武子之前平子以孫繼祖武子卒後即平子立也

及平子伐莒克之更受三

命

十年平子伐莒以功加三命昭子不伐莒亦以例加為三命

叔仲子欲構二家

欲構使相憎

謂

平子曰三命踰父兄非禮也

言昭子受三命自踰其先人

平子曰然

故使昭子

使昭子自貶黜

昭子曰叔孫氏有家禍殺適立庶

故媿也及此

禍在四年

若因禍以斃之則聞命矣

言因亂討己不敢辭

若不廢君命則固有著矣著位次昭子朝而命吏曰姑

將與季氏訟書辭無頗頗偏也。頗普何反。季孫懼而歸罪於

叔仲子故叔仲小南蒯公子愁謀季氏愁告公而

遂從公如晉愁子南蒯懼不克以費叛如齊子仲還

及衛聞亂逃介而先介副使也及郊聞費叛遂奔齊言及郊解經所

以書南蒯之將叛也其鄉人或知之過之而歎鄉人過

且言曰恤恤乎湫乎攸乎恤恤憂患湫愁隘攸懸危之貌。湫子小反。詩攸攸旆旆故以攸為懸

之貌言南蒯之心若此深思而淺謀適身而遠志家臣而君圖家臣而圖

人君之事故言思深而謀淺身近而志遠。思去聲。思慮深而知計淺言其知小而謀大也。身卑近而志高遠言其越分以求通也。為家臣而謀君事言

其非己所當為也

有人矣哉

言今有此人微以感之

南蒯枚筮之

不指其事。洪卜吉凶。孔疏。枚

是筮之名。尚書。枚卜功臣。謂人下一筮。使歷卜之。此則不告以所筮之事。空下一筮而使之筮也。

遇坤

☷☷☷☷☷☷

坤下坤上坤

之比

☷☷☷☷☷☷

坤下坎上比坤六五爻變

曰黃裳元吉

坤六五爻辭

以為大吉也

示子服惠伯曰。即欲有事。何如。惠伯曰。吾嘗學此

矣。忠信之事則可。不然必敗。外彊內溫。忠也。

坎險故彊坤順

故溫彊而能溫。所以為忠。剛彊以禦難。柔順以事主。

和以率貞信也

水和而土安。正和正信之本也。率。循也。用和柔之

性以循安正道

故曰黃裳元吉。黃中之色也。裳下之飾也。元

善之長也。中不忠。不得其色。

言非黃

下不共。不得其飾。

不為裳

事不善。不得其極。

失中德

外內倡和為忠。

不相違也。和去聲。

率

事以信為共

率猶行也。率訓循。循而行故率猶行也。

供養三德為善

三德謂正直剛克柔克也。

○供九用反養餘亮反。○孔疏剛則抑之柔則進之以志意供給長養之使合於中道各成其德乃為善也。董遇注本為共養解云畫井所以養成三德。

非此三者弗當

非忠信善不當此卦。

且夫易不可以占險將何

事也且可飾乎

夫易猶此易謂黃裳元吉之卦問其何事欲令從下之飾。○言凡易皆不可以占陰險之事問南蒯占此

卦將欲舉何事也欲令從下之飾為恭。

中美能黃上美為元下美則裳參成

可筮

參美畫備吉可如筮。

猶有關也筮雖吉未也

有關謂不參成。

將適費

飲鄉人酒

南蒯自其家還適費。

鄉人或歌之曰我有圃生之杞

乎

言南蒯在費欲為亂如杞生于園圃非宜也杞世所謂枸杞也。圃所以殖菜蔬杞非可食之物也。

從我者子乎

子男子之通稱言從己可不失令之尊。

去我者鄙乎倍其鄰者恥乎

鄙猶親也。鄙鄙賤之行。

也 已乎已乎。非吾黨之士乎。已乎已乎。言自遂不改。服氏虔曰：已乎，決絕之詞。平子

欲使昭子逐叔仲小。欲以自解說小聞之，不敢朝。昭子命

吏謂小待政於朝，曰：吾不為怨府。言不能為季氏逐小生，怨禍之聚為明年叔弓

聞費

○楚子狩于州來，狩冬獵也次于潁尾。潁水之尾，在下蔡西。潁水入淮處也。下蔡，今江南潁州

府潁上縣使蕩侯、潘子、司馬督、蹇尹、午、陵尹喜帥師圍徐

以懼吳。五子楚大夫徐、吳與國故圖之以偪吳楚子次于乾谿。在譙國城父縣南以為

之援。雨雪，王皮冠。秦復陶。秦所遺羽衣也。援于眷反。兩去聲。翠被。以翠羽飾被

豹舄。以豹皮為履執鞭以出。執鞭以教令僕析父從。楚大夫。從去聲。右尹

子革夕子革鄭丹夕莫見王見之去冠被舍鞭敬大與之語曰

昔我先王熊繹楚始封君與呂伋齊大公之子丁公王孫牟衛康叔子康伯變

父晉唐叔之子禽父周公子伯禽竝事康王康王成王子四國皆有分我

獨無有四國齊晉魯衛分珍寶之器。分扶問反下同今吾使人於周求鼎以為

分王其與我乎對曰與君王哉昔我先王熊繹辟

在荆山在新城汭鄉縣南筭路藍縷以處草莽跋涉山林以

事天子唯是桃弧棘矢以共禦王事桃弧棘矢以禦不祥言楚在山林少所出

有。共。音恭。齊王舅也成王母齊太公女晉及魯衛王母弟也楚是

以無分而彼皆有今周與四國服事君王將唯命

是從豈其愛鼎。王曰：昔我皇祖伯父昆吾，舊許是

宅。陸終氏生六子，長曰昆吾，少曰季連，季連楚之祖。故謂昆吾為伯父，昆吾嘗居許地，故曰舊許是宅。今鄭人貪賴其

田，而不我與，我若求之，其與我乎？對曰：與君王哉。

周不愛鼎，鄭敢愛田。王曰：昔諸侯遠我而畏晉，今

我大城陳，蔡不羹賦，皆千乘，子與有勞焉，諸侯其

畏我乎？對曰：畏君王哉。是四國者，專足畏也。四國陳蔡二不

羹。羹音郎。又加之以楚，敢不畏君王哉？工尹路請白，君

王命剝圭以為鍼，秘。鍼，斧也。秘，柄也。破圭，玉以飾斧柄。鍼音威，秘音秘。敢請命。請，制度之命。

王入視之，析父謂子革：吾子，楚國之望也。今與王



言如響。國其若之何。讓其順王心。如響應聲。子革曰：摩厲以須，王

出，吾刃將斬矣。以已喻鋒刃，欲自摩厲，以斬王之淫慝。王出，復語。左史倚相

趨過。倚相，楚史名。王曰：是良史也。子善視之，是能讀三墳

五典八索九邱。皆古書名。索，所白反。對曰：臣嘗問焉。昔穆王欲

肆其心。周穆王肆極也。周行天下，將皆必有車轍馬跡焉。祭

公謀父作所招之詩，以止王心。謀父，周卿士。所，父周司馬世掌甲兵之職。招，其名。祭公方

諫遊行，故指司馬官而言。此詩逸。招，常違反。王是以獲沒於祗宮。獲沒，不見篡弒。祗，音祈。竹書紀年：穆王

元年，作所宮于南鄭。臣問其詩，而不知也。若問遠焉，其焉能知

之。王曰：子能乎？對曰：能。其詩曰：所招之惜惜。式昭

德音

惜惜安和貌式用也。昭明也。○惜一心反。

思我王度式如玉式如金

金玉取其堅也。

形民之力而無醉飽之心

言國之用民當隨其力。如金治之器隨器而制形。故言形民之力去其

醉飽過盈之心。○美司馬之志性安和惜惜然。女當用此職掌以明我王之德音。思使我王之德度用如玉之堅。用如金之重。若用民力當隨其所能而制其形模。以器使之去其醉飽盈溢之心。此借司馬以諷諫王也。王揖而入饋不食寢不寐數

日

深感子革之言

不能自克以及於難

克勝也

仲尼曰古也有志

克己復禮仁也信善哉楚靈王若能如是豈其辱

於乾谿

○晉伐鮮虞因肥之役也

肥役在此年

春秋左傳杜注卷第二十三

華亭姚培謙學

昭公

經十有三年春叔弓帥師圍費

不書南蒯以費叛不以告廟

○夏四

月楚公子比自晉歸于楚弑其君虔于乾谿

比去晉而不送

書歸者依陳蔡以入言陳蔡猶列國也比歸而靈王死故書弑其君靈王無道而弑稱臣比非首謀而反書弑比雖脅立猶以罪加也靈王死在五月又不在乾谿楚人生失靈王故本其始禍以赴之楚公子弃疾殺公子比

比雖為君而未列於諸侯故不

稱爵殺不稱人罪弃疾

○秋公會劉子晉侯齊侯宋公衛侯鄭伯

曹伯莒子邾子滕子薛伯杞伯小邾子于平邱

平邱在陳

留長垣縣西南。漢置平邱縣。晉廢。今故城在河南開封府陳留縣北九十里。八月甲戌同盟于平邱。

書同齊公不與盟。魯不堪晉求讒，應弘多公不與盟，非國惡，故不諱。晉人執季孫意如。

以歸。○公至自會。無傳。○蔡侯廬歸于蔡。陳侯吳歸。

于陳。陳蔡皆受封于楚，故稱爵。諸侯納之曰歸。○胡傳稱歸于者，因其所宜歸也。稱侯者，位其所固有也。○冬十月葬。

蔡靈公。蔡復而後以君禮葬之。○公如晉。至河乃復。晉人辭公。○吳滅州。

來。州來楚邑，用大師焉曰滅。

十三年春，叔弓圍費，弗克，敗焉。為費人所敗，不書諱之。平子怒。

令見費人，執之以為囚，俘治區。夫曰：非也。區，夫魯大夫。若

見費人，寒者衣之，饑者食之，為之令主，而共其乏。

困費來如歸南氏亡矣民將叛之誰與居邑若憚  
之以威懼之以怒民疾而叛為之聚也若諸侯皆  
然費人無歸不親南氏將焉入矣平子從之費人

叛南氏費叛南氏在明年傳善區夫之謀終言其效為之聚于偽反

○楚子之為令尹也殺大司馬遠掩而取其室在襄

年及即位奪遠居田居掩之族言遠氏所以怨遷許而質許圍遷許在九年圍

許大夫。質音致。蔡洧有寵於王王之滅蔡也其父死焉楚滅蔡在

十一年。洧仕楚其父在國故死。洧于軌反。王使與於守而行使洧守國王行至乾谿申之會

越大夫戮焉申會在四年王奪鬬韋龜中犍韋龜今尹子文玄孫中犍邑名。犍尺州

反又奪成然邑而使為郊尹成然韋龜子郊尹治郊竟大夫蔓成然故

事蔡公蔡公弃疾也故猶舊也韋龜以弃疾有當璧之命故使成然事之故遠氏之族及遠

居許圍蔡消蔓成然皆王所不禮也因羣喪職之

族啓越大夫常壽過作亂常壽過申會所戮者○過平聲圍固城克息

舟城而居之息舟楚邑城之堅固者○顧氏炎武以固息舟為二城名觀起之死也其子

從在蔡事朝吳觀起死在襄二十二年朝吳故蔡大夫聲子之子曰今不封蔡蔡不

封矣我請試之觀從以父死怨楚故欲試作亂以蔡公之命召子干子

皙二子皆靈王弟元年子干奔晉子皙奔鄭及郊而告之情告以蔡公不知謀強與之盟

入襲蔡蔡公將食見之而逃不知其故驚起辟之觀從使子干

食坎用牲加書而速行

使子干居蔡公之牀食蔡公之食。竝偽與蔡公盟之徵驗以示衆。

已

徇於蔡

已觀從也。已音紀。

曰蔡公召二子將納之與之盟而

遣之矣將師而從之

詐言蔡公將以師助二子

蔡人聚將執之

執觀辭從

曰失賊成軍而殺余何益乃釋之

賊謂子干子替也言蔡公已成軍殺已不解罪

朝吳曰二三子若能死亡則如違之以待所濟

言若能為

靈王死亡則可違蔡公之命以待成敗如何

若求安定則如與之以濟所欲

言與蔡公

則可得安定

且違上何適而可

言不可違上也上謂蔡公

衆曰與之乃奉蔡

公召二子而盟于鄧

潁川召陵縣西南有鄧城二子子干子替

依陳蔡人以國

圍陳蔡而依之

楚公子比干公子黑肱

子替

公子弃疾

蔡公

蔓成

然蔡朝吳帥陳蔡不羹許葉之師因四族之徒四族

許圍蔡洧

蔓成然

以入楚及郊陳蔡欲為名故請為武軍

欲築壘

以示後人為復讎之名

蔡公知之曰欲速且役病矣請藩而已乃

藩為軍

藩離也。依字應作離。今作離。假借也。

蔡公使須務牟與史狎先入

因正僕人殺犬子祿及公子罷敵

須務牟。史狎。楚大夫。蔡公之黨也。正僕。犬子之

近官。狎。皮皆反。罷。音皮。

公子比為王公子黑肱為令尹次于魚陂

竟陵縣城西北有甘魚陂。今在湖廣安陸府景陵縣西北。

公子弃疾為司馬先除王宮

使觀從從師于乾谿而遂告之

從乾谿之師。告使叛靈王。

且曰先歸

復所後者剽

剽。截鼻。剽。魚器反。

師及訾梁而潰

靈王還至訾梁而眾散。訾。子斯反。



王聞羣公子之死也。自投于車下。曰：人之愛其子也，亦如余乎？侍者曰：甚焉。小人老而無子，知擠于

溝壑矣。

擠隊也。擠子細反。

王曰：余殺人子多矣，能無及此乎？

右尹子革曰：請待于郊，以聽國人。

聽國人之所與。

王曰：衆怒

不可犯也。曰：若入於大都，而乞師於諸侯。王曰：皆

叛矣。曰：若亡於諸侯，以聽大國之圖。君也。王曰：大

福不再，祇取辱焉。然丹乃歸于楚。

然丹子革奔王歸。

王公夏

將欲入鄢。

夏漢別名，順流為。公順漢水南至鄢。

芋尹無宇之子申亥曰：吾

父再奸王命。

謂斷王旌，執人於章華宮。芋子付反，奸音干。

王弗誅，惠孰大焉？君

不可忍。惠不可弃。吾其從王。乃求王。遇諸棘闈。以

歸。棘里名。闈門也。○孔氏夏五月癸亥。王縊于芋。尹申亥

氏。癸亥五月二十六日。皆在乙卯申亥以其二女殉而葬之。

觀從謂子干曰。不殺弃疾。雖得國。猶受禍也。子干

曰。余不忍也。子玉曰。人將忍子。子玉吾不忍侯也。乃

行。國每夜駭曰。王入矣。相恐以乙卯夜。弃疾使周走

而呼曰。王至矣。周徧也。乙卯十國人大驚。使蔓成然走

告子干。子干曰。王至矣。國人殺君司馬。將來矣。司馬

疾也。言司馬見君若早自圖也。可以無辱。眾怒如水火

殺以恐子干

焉不可為謀。又有呼而走至者，曰：「眾至矣。」二子皆

自殺。不書弑君。位未定也。丙辰，弃疾即位，名曰熊居。葬子干于

訾，實訾敖。不成君，無號謚者。楚皆謂之敖。殺囚，衣之王服，而流諸漢。乃

取而葬之，以靖國人。使子旗為令尹。子旗，蔓成然。衣去聲。楚師

還自徐。前年圍徐之師。謂蕩侯等五子伐徐之師也。吳人敗諸豫章，獲其五帥

定二年，楚人伐吳，師于豫章。吳人見舟于淮汭，而自豫章與楚夾漢，此皆當在江北淮水

南。蓋後徙在江南豫章。平王討陳蔡，復遷邑。復九年所遷邑。致羣賂。始舉事時所貨賂。

施舍寬民，宥罪舉職。舉職，脩廢官。召觀從。王曰：「唯爾所欲

觀從。教子干殺弃疾，弃疾今召用之，明在君為君之義。」對曰：「臣之先佐開卜，乃使為卜

尹佐卜人使枝如子躬聘于鄭且致欒櫟之田欒櫟本鄭邑楚

由取之平王新事畢弗致知鄭自說服不復須賂故鄭人請曰聞諸道路

將命寡君以欒櫟敢請命對曰臣未聞命既復王

問欒櫟降服而對降服如今解冠也謝達命曰臣過失命未之致也

王執其手曰子毋勤言子毋以見使為勤勞姑歸不穀有事其告

子也王善其有權有事將復使之他年芋尹申亥以王柩告乃改葬

之初靈王卜曰余尚得天下尚庶幾不吉投龜詬天而

呼曰是區區者而不余畀區區小天下呼豆反呼去聲余必自取

之民患王之無厭也故從亂如歸初共王無冢適

冢大也。○厭平聲。適丁歷反。下同。有寵子五人。無適立焉。乃大有事于

羣望。羣望星辰山川而祈曰。請神擇於五人者。使主社稷。乃

徧以璧見於羣望。曰。當璧而拜者。神所立也。誰敢

違之。既乃與巴姬密埋璧於大室之庭。巴姬共王妾。大室。祖廟。使

五人齊而長入拜。從長幼以次。拜。○齊音齋。康王跨之。過其上。靈王肘加

焉。子干子皙皆遠之。平王弱抱而入。再拜皆厭紐

微見璧紐以為審識。○遠去聲。厭於甲反。鬪韋龜屬成然焉。知其將立。故託其子。○屬音燭。且曰。弃

禮違命。楚其危哉。弃立長之禮。違當璧之命。終致靈王之亂。子干歸。韓宣子問

於叔向曰。子干其濟乎。對曰。難。宣子曰。同惡相求。

如市賈焉。何難。宣子謂弃疾親恃子干，共同好惡故。言如市賈同利以相求。賈音古。對曰：無與

同好，誰與同惡。言弃疾本不與子干同好，則亦不得同惡。取國有五難：有寵而

無人，一也。寵須賢人而固。有人而無主，二也。雖有賢人當須內主為應。有主而

無謀，三也。謀策也。有謀而無民，四也。民衆。有民而無德，五

也。四者既備，當以德成。子干在晉十三年矣，晉楚之從，不聞達

者，可謂無人。晉楚之士從子干游，皆非達人。族盡親叛，可謂無主。無親族在楚。

無釁而動，可謂無謀。名子干時楚未有大釁。為羈終世，可謂無民

終身羈客在晉，是無民。亡無愛徵，可謂無德。楚人無愛念之者。王虐而无忌

靈王暴虐，無所畏忌，將自亡。楚君子干涉五難以弑舊君，誰能濟之

言楚借君子干以有楚國者其弃疾乎君陳蔡城外屬

焉城方城也時穿封戌既死弃疾并領陳事苛慝不作盜賊伏隱私欲不違不以私欲

違民民無怨心先神命之先神謂羣望國民信之芊姓有亂

必季實立楚之常也獲神一也當壁拜○芊彌爾反有民二也

民信之令德三也無苛寵貴四也貴妃子居常五也弃疾有五刑

以去五難誰能害之子干之官則右尹也數其貴

寵則庶子也以神所命則又遠之其貴亡矣位不尊其

寵弃矣父既沒故民無懷焉非令德國無與焉無內主將何以立宣

子曰齊桓晉文不亦是乎皆庶賤○言皆出亡因亂而入對曰齊桓衛

姬之子也。有寵於僖。衛姬齊僖公妾有鮑叔牙賓須無隰朋

以為輔佐。有莒衛以為外主。齊桓出奔莒衛有舅氏之助有國高以

為內主。國氏高氏齊上卿從善如流。言其疾也下善齊肅。齊嚴也肅敬也。齊音肅不

藏賄。清也。從子用反施舍不倦。施舍猶言布恩德求善不

厭。是以有國。不亦宜乎。我先君文公。狐季姬之子

也。有寵於獻。好學而不貳。言篤志生十七年。有士五人

狐偃。趙衰顛頡武子司空季子五士從出有先大夫子餘子犯。以為腹心。子餘趙衰

狐偃。子犯有魏犢賈佗。以為股肱。魏犢魏武子也。稱五人而說四士。賈佗又不在本數。蓋叔向所賢有

齊宋秦楚。以為外主。齊妻以女宋贈以馬。楚王享之秦伯納之有欒卻狐先以



為內主

謂樂枝卻癡  
孤突先軫也

亡十九年守志彌篤惠懷弃民

惠公  
懷公

不恤  
民也

民從而與之獻無異親民無異望

獻公之子九  
人唯文公在

天方

相晉將何以代文此二君者異於子干共有寵子

國有奧主

謂弃疾也○共音恭○室內西南隅謂之奧  
奧是內之義奧主國內之主故謂弃疾也

無施於民

無援於外去晉而不送歸楚而不逆何以冀國

傳言  
子干

所以蒙弑君之名弃疾  
所以得國○施去聲

○晉成虎祁

在八  
年

諸侯朝而歸者皆有貳心

賤其  
奢也

為取

鄭故

取鄭在  
十年

晉將以諸侯來討叔向曰諸侯不可以

不示威

知晉德薄欲  
以威服之

乃竝徵會告于吳秋晉侯會吳子

于良

下邳有良城縣

水道不可。吳子辭乃還。

辭不

七月丙寅治

兵于邾南。甲車四千乘。

三十萬

羊舌鮒攝司馬。

鮒叔向弟也攝兼官

遂合諸侯于平邱。子產子大叔相鄭伯以會。子產

以幄幕九張行。

幄幕軍旅之帳。四合象宮室曰幄。在上曰幕。幄幕九張蓋九幄九幕也。

子大叔以

四十。既而悔之。每舍損焉。及會亦如之。

亦九張也傳言子產之適宜大

叔之從善次于衛地。叔鮒求貨於衛。淫竇羗者

欲使衛患之而致貨。淫縱也。

衛人使屠伯饋叔向羹與一篋錦。

屠伯衛大夫

曰諸侯事

晉未敢攜貳。况衛在君之宇下。

屋宇之下。喻近也。

而敢有異

志。竇羗者異於他日。敢請之。

請止

叔向受羹反錦。受羹

示不逆其意且非貨

曰晉有羊舌鮒者瀆貨無厭

瀆數也。厭平聲數音弊

亦將

及矣將及禍

為此役也

役事也。言叔鮒為此淫芻蕘之事也

子若以君命賜之

其已客從之未退而禁之

禁芻蕘者

晉人將尋盟齊人不

可有貳心故晉侯使叔向告劉獻公

獻公王卿士劉子

曰抑齊人不

盟若之何對曰盟以底信

底致也。底音旨

君苟有信諸侯

不貳何患焉告之以文辭董之以武師雖齊不許

君庸多矣

董督也庸功也討之有辭故功多也

天子之老請帥王賦元戎

十乘以先啓行

天子大夫稱老元戎戎車在前者啓開也行道也

遲速唯君

欲佐晉討齊

叔

向告于齊曰諸侯求盟已在此矣今君弗利寡君

以為請對曰諸侯討貳則有尋盟若皆用命何盟

之尋託用命以拒晉叔向曰國家之敗有事而無業事則不

經業貢賦之業有業而無禮經則不序須禮而有次序有禮而無威

序則不共禮須威嚴而後共有威而不昭共則不明威須昭告神明而後信義

著。孔疏有交好之事而無貢賦之業交好之事不得常矣有貢賦之常而無上下之禮事雖有常不次序矣有上下之禮而無可畏之威雖有次序不

共敬矣有可畏之威而不昭告神明雖為共敬不明著矣不明弃共百事不終所由傾覆

也信義不明則弃威不威弃禮無禮無經無經無業故百事不成是故明王之制使諸侯歲

聘以志業志識也歲聘以脩其職業閒朝以講禮三年而一朝正班爵之義率長幼之序閒去聲再

朝而會以示威六年而一會以訓上下之則制財用之節再會而盟以顯昭明

十二年而一盟所以昭信義也凡八聘  
四朝再會王一巡守盟于方嶽之下志業於好聘也。好去聲。講禮於

等朝也示威於衆會也昭明於神盟也。孔疏志識貢賦之業在於交好故使聘也講習上下之

禮在於等差故使朝也示可畏之威在於衆聚故為會也昭明德之信在於告神故為盟也自古以來未之或

失也存亡之道恒由是興晉禮主盟依先王先公舊禮主諸侯盟懼

有不治奉承齊犧齊盟之犧牲而布諸君求終事也終竟也

竟盟約之事君曰余必廢之何齊之有唯君圖之寡君聞

命矣齊人懼對曰小國言之大國制之敢不聽從

既聞命矣敬共以往遲速唯君叔向曰諸侯有閒

矣閒隙也不可以不示衆八月辛未治兵習戰建而不旆

建立旌旗不曳其旆旆游也

壬申復旆之諸侯畏之

軍將戰則旆故曳旆以恐之

邾人

莒人愬于晉曰魯朝夕伐我幾亡矣

自昭公即位邾魯同好又不朝夕伐莒無

故怨烈晉人信之所謂讒應弘多

我之不共魯故之以

不共晉貢以魯故也

晉侯不

見公使叔向來辭曰諸侯將以甲戌盟寡君知不

得事君矣請君無勤

託謙辭以絕魯

子服惠伯對曰君信蠻

夷之訴

蠻夷謂邾莒

以絕兄弟之國弃周公之後亦唯君

寡君聞命矣叔向曰寡君有甲車四千乘在雖以

無道行之必可畏也况其率道其何敵之有牛雖

瘠償於豚上其畏不死也

償什也

南蒯子仲之憂其庸可

弃乎。弃猶忘也若奉晉之衆用諸侯之師因邾莒杞鄆之

怒。四國近魯數以小事相忿鄆已滅其民猶存故并以恐魯以討魯罪閒其二憂。因南蒯子仲二憂為閒隙

何求而弗克魯人懼聽命。不敢與盟甲戌同盟于平邱齊

服也。經所以稱同令諸侯日中造于除。除地為壇盟會處癸酉退朝

先盟子產命外僕速張於除。張幄幕子大叔止之使待明

日及夕子產聞其未張也使速往乃無所張矣。地已滿也

傳言子產每事敏於大叔及盟子產爭承。承貢賦之次○言所出貢賦多少之次當承何國之下也曰昔天

子班貢輕重以列也。列位也列尊貢重周之制也。公侯地廣故所貢者多

卑而貢重者甸服也。甸服謂天子畿內共職貢者鄭伯男也而使從

公侯之貢

言鄭國在甸服外。爵列伯子男。不應出公侯之貢。王氏肅曰。鄭伯爵。而連男言之。猶言曰。公侯足甸。辭也。

懼弗

給也。敢以為請。諸侯靖兵。好以為事。

靖息也。好去聲。

行理

之命

行理。使人通聘問者。

無月不至。貢之無藝。

藝法制。

小國有關。所

以得罪也。諸侯脩盟。存小國也。貢獻無極。亡可待

也。存亡之制。

制貢重則小國存。制貢輕則小國亡。

將在今矣。自日中以爭。

至于昏。晉人許之。既盟。子犬叔咎之。曰。諸侯若討。

其可瀆乎。

瀆。易也。言晉若以諸侯之兵討鄭。其可瀆慢而不畏乎。

子產曰。晉政多門。

政不一。

家貳偷之。不暇。何暇討。

戴不壹。偷。苟且。

國不競。亦陵。何國之

為

不競爭。則為人所侵。陵不成為國。

公不與盟。

信邾莒之訴。欲討魯故。

晉人執季孫意



如以幕蒙之也蒙裏使狄人守之司鐸射魯大夫懷錦奉壺

飲冰以蒲伏焉守者御之乃與之錦而入蒲伏竊往飲季孫冰蒲蒲

蓋可以取飲。一云時方盛夏故飲冰以辟暑奉音捧蒲伏本又作匍匐晉人以平子歸子服湫從

湫子服惠伯從至晉○湫子小反子產歸未至聞子皮卒哭且曰吾已

已猶決竟無為為善矣○言無為更須為善矣唯夫子知我言子皮知己之善仲尼

謂子產於是行也足以為國基矣詩曰樂旨君子

邦家之基詩小雅言樂與君子為治乃國家之基本子產君子之求樂者也且

曰合諸侯藝貢事禮也嫌爭競不順故以禮明之。言盟主會合諸侯限藝貢賦使之有常是為得禮

則子產爭之不為有失也

○鮮虞人聞晉師之悉起也五年傳曰遺守四千今甲車四千乘故為悉起而不

警邊且不脩備言夷狄無謀晉荀吳自著雍以上軍侵鮮

虞及中人驅衝競中山望都縣西北有中人城驅衝車與狄爭逐○中人城今屬直隸保定府唐縣大

獲而歸為十五年晉伐鮮虞傳

○楚之滅蔡也靈王遷許胡沈道房申於荆焉平

王即位既封陳蔡而皆復之禮也滅蔡在十一年許胡沈小國也道房申皆故諸

侯楚滅以為邑荆荆山也傳言平王得安民之禮汝南有吳防縣即防國○今河南汝寧府遂平縣西有吳房城本房子圍楚靈王遷房於楚吳夫概奔楚

楚封於此故曰吳房杜作防傳寫誤也隱犬子之子廬歸于蔡禮也隱犬子犬子有也廬蔡平

侯悼犬子之子吳歸于陳禮也悼犬子偃師也吳陳惠公

○冬十月葬蔡靈公禮也

國復成禮以葬也此陳蔡事傳皆言禮憚楚所封不得比諸侯故明之

○公如晉荀吳謂韓宣子曰諸侯相朝講舊好也

執其卿而朝其君有不好焉不如辭之乃使士景

伯辭公于河

景伯士文伯之子彌牟也

○吳滅州來令尹子旗請伐吳王弗許曰吾未撫

民人未事鬼神未脩守備未定國家而用民力敗

不可悔州來在吳猶在楚也子姑待之

傳言平王所以能存國

○季孫猶在晉子服惠伯私於中行穆子

私與之語曰魯

事晉何以不如夷之小國魯兄弟也土地猶大所

命能具若為夷弃之使事齊楚其何瘳於晉瘳差也親

親與大賞共罰否所以為盟主也子其圖之諺曰

臣一主二言一臣必有二主道不合得去事他國吾豈無大國言非獨晉可事穆子告

韓宣子且曰楚滅陳蔡不能救而為夷執親將焉

用之乃歸季孫惠伯曰寡君未知其罪合諸侯而

執其老老尊卿稱若猶有罪死命可也死晉命也若曰無罪而惠

免之諸侯不聞是逃命也何免之為請從君惠於

會欲得盟會見遣不欲私去宣子患之謂叔向曰子能歸季孫乎對

曰不能鮒也能鮒叔魚乃使叔魚叔魚見季孫曰昔鮒

也得罪於晉君自歸於魯君蓋襄二十一年坐叔虎與欒氏黨并得罪微武子

之賜不至於今武子季平子祖父雖獲歸骨於晉猶子則肉

之敢不盡情歸子而不歸鮒也聞諸吏將為子除

館於西河西使近河其若之何且泣泣以信其言平子懼先歸惠

伯待禮待見遣之禮

經十有四年春意如至自晉書至者喜得免○三月曹伯滕

卒無傳四同盟○夏四月無傳○秋葬曹武公無傳○八月莒

子去疾卒未同盟○冬莒殺其公子意恢以禍亂告不必繫於為卿故雖公子亦書

意恢與亂君為黨故書名惡之○恢若回反○陳氏傳良曰書殺意恢以非其罪也

傳十四年春意如至自晉尊晉罪己也

以舍族為尊晉罪己

晉罪己禮也

禮脩己而不責人。孫氏復曰大夫執則至至則名不稱氏前見也

○南蒯之將叛也盟費人司徒老邾慮癸

二人南蒯家臣。司徒老

邾為一人慮癸為一人司徒姓老邾字

偽廢疾使請於南蒯曰臣願受盟而

疾興若以君靈不死請待閒而盟

閒差也。差初賣反

許之二

子因民之欲叛也請朝衆而盟

欲因合衆以作亂

遂劫南蒯

曰羣臣不忘其君

君謂季氏

畏子以及今三年聽命矣子

若弗圖費人不忍其君將不能畏子矣

不能復畏子

子何

所不逞欲請送子

送使出齊

請期五日

南蒯請期冀有變

遂奔齊侍

飲酒於景公。公曰：「叛夫。」戲對曰：「臣欲張公室也。」張強也

子韓皙曰：齊大夫家臣而欲張公室，罪莫大焉。言趙司徒

老祁慮癸來歸費。歸魯齊侯使鮑文子致之。南朔雖叛費人不從未專

屬齊二子逐蒯而復其舊，故經不書歸費。齊使文子致邑，欲以假好，非事實也。

○夏，楚子使然丹簡上國之兵於宗邱，且撫其民。

上國在國都之西，西方居上流，故謂之上國。宗邱，楚地。○當在今湖廣荊州府歸州境。分貧振窮。分與也。振救也。長孤。

幼養老疾，收介特。介特，單身民也。收養不使流散。救災患，宥孤寡。寬其賦稅赦

罪戾，詰姦慝。詰責問也。舉淹滯。淹滯，有才德而未敘者。禮新敘舊。新，新爵。敘，族也。祿勳。

合親。勳功也。親九族。任良物官。物事也。○言量事而官之也。使屈罷簡東國之

春秋左傳卷之五十五 昭公 七

兵於召陵

兵在國都之東者。罷音皮。

亦如之

如然

好於邊疆

結好四鄰

息氏

五年而後用師禮也

○秋八月莒著邱公卒郊公不感

郊公著邱公子。著直居反。

國人

弗順欲立著邱公之弟庚與

庚與莒共公。與音餘本亦作與。

蒲餘侯

惡公子意恢而善於庚與

蒲餘侯莒大夫茲夫也。意恢莒羣公子。

郊公惡公

子鐸而善於意恢

鐸亦羣公子。

公子鐸因蒲餘侯而與之

謀曰爾殺意恢我出君而納庚與許之

為下冬殺意恢傳。

○楚令尹子旗有德於王不知度

有佐立之德。

與養氏比

而求無厭

養氏子旗之黨養由基之後。比毗志反。厭平聲。

王患之九月甲午楚子



殺鬪成然而滅養氏之族使鬪辛居鄭以無忘舊

勲辛子旗之子鄭公辛○鄭音云

○冬十二月蒲餘侯茲夫殺莒公子意恢郊公奔

齊公子鐸逆庚與於齊齊隰黨公子鉏送之有賂

田莒賂齊以田

○晉邢侯與雍子爭鄆田邢侯楚申公巫臣之子也雍子亦故楚人○鄆許六反襄二十六年傳稱

巫臣奔晉晉人與之邢雍奔晉晉人與之鄆則鄆是雍子之出也久而無成士景伯如楚士景伯晉理官

叔魚攝理攝代景伯韓宣子命斷舊獄罪在雍子雍子納

其女於叔魚叔魚蔽罪邢侯蔽斷也○斷丁亂反邢侯怒殺叔

魚與雍子於朝宣子問其罪於叔向叔向曰三人

同罪施生戮死可也施行雍子自知其罪而賂以買

直鮒也鬻獄邢侯專殺其罪一也已惡而掠美為

昏掠取也昏亂也。掠音亮。貪以敗官為墨墨不潔之稱殺人不忌為賊忌畏也

夏書曰昏墨賊殺逸書三者皆死刑臯陶之刑也請從之乃

施邢侯而尸雍子與叔魚於市仲尼曰叔向古之

遺直也言叔向之直有古人遺風治國制刑不隱於親謂國之大問已所答當也至於他事則宜

有隱。當去聲。三數叔魚之惡不為末減末薄也減輕也皆以正言之曰義也

夫可謂直矣於義未安直則有之。孔疏義者於事合宜所為得理直者唯無阿曲未能圓通平邱之會

數其賄也。謂言濟貨無厭以寬衛國。晉不為暴。歸魯季孫。稱

其詐也。謂言謝也。能以寬魯國。晉不為虐。邢侯之獄。言其

貪也。以正刑書。晉不為頗。三言而除三惡。加三利

三惡暴虐頗也。三惡除則三利加。頗普何反。殺親益榮。榮名益已猶義也。夫。三罪唯答宣子問不可以不正

其餘則以直傷義故重疑之

經十有五年。春。王正月。吳子夷末卒。無傳未同盟。○二月。

癸酉。有事于武宮。籥入。叔弓卒。去樂卒事。魯書有集。獨叔弓卒起也

武宮魯武公廟。成六年復立之。○孔疏。祭必有樂。樂有文舞武舞。文執羽籥。武執干鉞。其入廟也。必先文而後武。當籥始入。叔弓暴卒。故於是去樂不用。而終卒祭事也。叔弓之卒。當籥入之時。故舉籥入也。及其去之。則

諸樂皆去。故云去樂。鐘鼓管磬。悉皆去之。非獨去籥舞也。○夏。蔡朝。

昭公 聖傳

吳出奔鄭

朝吳不遠譏人所以見逐而書名。胡傳朝吳易為出奔費無極害其寵也。無極楚之讒人志朝吳出奔而入鄭之師兆矣。

○六月丁巳朔日有食之

無傳

○秋晉荀吳帥師伐

鮮虞○冬公如晉

傳十五年春將禘于武公

汪氏克寬曰有事武宮乃春祠之祭也左氏以禘為四時之祭遂誤以

為禘耳

戒百官

齊戒○將祭必齊祭前豫戒之

梓慎曰禘之日其有咎乎吾

見赤黑之祲非祭祥也喪氛也

祲妖氣也蓋見於宗廟故以為非祭祥也氛惡氣也○祲

子鳩反

其在涖事乎

涖臨也○涖事者當其答

二月癸酉禘叔弓涖事箒

入而卒去樂卒事禮也

大臣卒故為之去樂

○楚費無極害朝吳之在蔡也

朝吳蔡大夫有功於楚平王故無極恐其有寵疾害之○

費扶  
味反

欲去之。乃謂之曰。王唯信子。故處子於蔡。子亦

長矣。而在下位。辱必求之。吾助子請。請求又謂其上

之人。蔡人在上位者曰。王唯信吳。故處諸蔡。二三子莫之如

也。而在其上。不亦難乎。弗圖必及於難。夏蔡人逐

朝吳。朝吳出奔鄭。王怒曰。余唯信吳。故寘諸蔡。且

微吳。吾不及此。女何故去之。無極對曰。臣豈不欲

吳。非不欲善吳然而前知其為人之異也。言其多吳在蔡。蔡

必速飛去吳。所以翦其翼也。以鳥喻也。言吳在蔡必能使蔡速強而背楚

○六月乙丑。王太子壽卒。周景王太子○秋八月戊寅。王穆

后崩

犬子壽之母也傳為晉荀躒如周葬穆后起

○晉荀吳帥師伐鮮虞圍鼓

鼓白狄之別鉅鹿下曲陽縣有鼓聚。下曲陽故城在今直隸

真定府晉州西今晉州治即鼓圍漢志所謂鼓聚也

鼓人或請以城叛穆子弗許左右

曰師徒不勤而可以獲城何故不為穆子曰吾聞

諸叔向曰好惡不愆民知所適事無不濟愆過也適歸也或

以吾城叛吾所甚惡也人以城來吾獨何好焉賞

所甚惡若所好何無以復加所好若其弗賞是失信也何以

庇民力能則進否則退量力而行吾不可以欲城

而邇女姦所喪滋多使鼓人殺叛人而繕守備圍鼓

三月鼓人或請降使其民見曰猶有食色姑脩而

城軍吏曰獲城而弗取勤民而頓兵何以事君穆

子曰吾以事君也獲一邑而教民怠將焉用邑邑

以賈怠不如完舊完猶保守○賈音古○言與其獲一邑而賈人以怠惰不如令其民姑保守其舊也賈怠

無卒卒終也弃舊不祥鼓人能事其君我亦能事吾君

○今不受其降使其盡力守城是鼓人能事其君我教民不怠是我亦能事吾君也率義不爽爽差也好惡不愆

城可獲而民知義所知義所在也苟吳必其能獲故因以示義有死命而無二

心○盡忠以死君命不亦可乎鼓人告食竭力盡而後取之

克鼓而反不戮一人以鼓子戴鞮歸戴鞮鼓君名○戴本又作焉慎全反

觀可  
兮反

○冬公如晉平邱之會故也。平邱會公不與盟季孫見執今既得免故往謝之

○十二月晉荀躒如周葬穆后籍談為介既葬除

喪以文伯宴樽以魯壺。文伯荀躒也魯壺魯所獻壺樽其酒樽用魯人所獻壺樽王曰

伯氏。晉同姓國故王稱其大夫為伯氏諸侯皆有以鎮撫王室晉獨無

有何也。感魯曾壺而言也鎮撫王室謂貢獻之物文伯揖籍談。文伯無辭揖籍談使對對曰諸

侯之封也皆受明器於王室。謂明德之分器分扶問反年內同以鎮撫

其社稷故能薦彝器於王。薦獻也彝常也謂可常寶之器若魯壺之屬晉居深

山戎狄之與鄰而遠於王室王靈不及拜戎不暇



言王寵靈不見及。其何以獻器。王曰：叔氏而忘諸乎？叔氏談字

○稱荀躒為伯氏。故稱其介為叔氏。叔父唐叔成王之母弟也。其反無分

乎。密須之鼓與其大路。文所以大蒐也。密須媾姓國也。在安定陰密縣。

文王伐之得其鼓。路以蒐。今陰密故城在陝西平涼府靈臺縣西五十里。闕鞏之甲。武所以克商

也。闕鞏國所出鎧。鎧開代反。唐叔受之以處參虛。臣有戎狄。參虛實沈之次。

晉之分野。參所金反。其後襄之二路。周襄王所賜晉文公大路戎路。鉞鉞鉅鬯。鉞鉞鉅也。鉞金鉞。

和。黑黍鬯香酒。鉞音戚。孔疏：鉞鉞俱是斧。鉞大斧小。尚書武王左杖黃鉞。孔安國云：以黃金飾斧。是鉞以金飾也。賜鉞鉞使之事殺戮。賜鉅鬯使之

祭先祖也。彤弓虎賁。文公受之以有南陽之田。事在僖二十八年。撫

征東夏。非分而何。夫有勲而不廢。加賞。有績而載。書功於策。

奉之以土田有南陽撫之以彝器弓鉞之屬旌之以車服襄之二路明

之以文章旗子孫不忘所謂福也福祚之不登叔

父焉在言福祚不在叔父當在誰邪且昔而高祖孫伯鷹司晉之典

籍以為大政故曰籍氏孫伯鷹百正卿籍談九世祖鷹以斬反九世祖稱高祖者言是高遠之祖也

鄭子以少皞為高祖意同及辛有之二子董之晉於是乎有董史辛有周人

也其二子適晉為大史籍鷹與之共董督晉典因為董氏董狐其後女司典之後也何故忘之

籍談不能對賓出王曰籍父其無後乎數典而忘

其祖忘祖業數色主反籍談歸以告叔向叔向曰王其不終

乎吾聞之所樂必卒焉今王樂憂若卒以憂不可

謂終王一歲而有三年之喪二焉

天子絕期唯服三年故后雖期通謂之三年喪

○顧氏炎武曰禮為長子斬衰三年喪妻雖期年而傳曰父必三年然後娶達子之志也是亦有三年之義

於是乎以喪

賓宴又求彝器樂憂甚矣且非禮也彝器之來嘉

功之由非由喪也

○孔疏諸侯自有善功乃作常器以獻其功獻非由喪也

三年之喪雖

貴遂服禮也

天子諸侯除喪當在卒哭今王既葬而除故議其不遂○孔疏遂由申也竟也言三年之喪雖貴為天子由當

申遂其服使終日月

王雖弗遂宴樂以早亦非禮也

言今雖不能遂服猶當靜嘿而

便宴樂又失禮也

禮王之動而失二禮無大經矣

失二禮謂既不遂服又設宴樂

言以考典

考成也典以志經忘經而多言舉

典將焉用之

為二十二年王室亂傳

經十有六年春齊侯伐徐○楚子誘戎蠻子殺之

○戎是種號蠻是國名子爵也

○夏公至自晉○秋八月己亥晉侯夷

卒

未同

○九月大雩○季孫意如如晉○冬十月葬

晉昭公

三月而葬速

傳十六年春王正月公在晉晉人止公不書諱之

也

猶以取鄭故也公為晉人所執止故諱不書

○齊侯伐徐楚子聞蠻氏之亂也與蠻子之無質

也

質信也○蠻子雖與楚舊交元無誠信

使然丹誘戎蠻子嘉殺之遂取蠻

氏既而復立其子焉禮也

詐之非也立其子禮也河南新城縣東南有蠻城○今在河南汝州西南

二月丙申齊師至于蒲隧

蒲隧徐地。下邳取慮縣東有蒲如波。今在江南鳳陽府虹縣北取慮上。

音秋下力居反。彼彼皮反。

徐人行成。徐子及邾人莒人會齊侯盟于

蒲隧。賂以甲父之鼎。

甲父古國名。高平昌邑縣東南有甲父亭。徐人得甲父鼎以賂齊。邾莒畏齊討己故從。

徐子受齊盟。昌邑城今在山東兗州府金鄉縣西北四十里。

叔孫昭子曰。諸侯之無伯害

哉。為小國害。齊君之無道也。興師而伐遠方。會之有成而

還。莫之亢也。

無亢。禦。

無伯也。夫詩曰。宗周既滅。靡所止

戾。正大夫離居。莫知我肄。

詩小雅。戾定也。肄勞也。言周舊為天下宗。今乃衰滅。亂無息定。執政大夫

離居異心。無有念民勞者也。

其是之謂乎。

傳言晉之衰。言今晉衰微不能止亂。晉之諸卿異心不憂民之勞苦。如詩人之所云。

○三月晉韓起聘于鄭。鄭伯享之。子產戒曰。苟有

位於朝無有不共恪孔張後至立於客間

孔張子孔之孫○禮大夫

立於東夾南面張立於客間者蓋賓入未升階時立於西方孔張誤立於客間也

執政禦之

執政掌位列者禦止也

適客

後又禦之適縣間

縣樂肆○張又移立於客之西執政又禦止之張又益趨西乃立於鐘磬樂肆之間

客從

而笑之事畢富子諫

富子鄭大夫諫子產也

曰夫大國之人不可

不慎也幾為之笑而不陵我

言數見笑則必陵侮我幾居豈反下幾求同

我皆

有禮夫猶鄙我

鄙賤也○言以我為鄙邑而陵之也

國而無禮何以求榮

孔張失位吾子之恥也子產怒曰發命之不衷

衷當也

出令之不信刑之頗類

緣事類以成偏頗○頗普多反○孔疏事有相類真偽難明緣此事類以致偏

頗也服虔讀類為類解云頗偏也類不平也

獄之放紛

放縱也紛亂也

會朝之不敬

謂國無禮故之

心。會朝謂出外會朝於大國。使命之不聽。下不從取陵於大國。罷民而

無功。罪及而弗知。僑之恥也。孔張君之昆孫。子孔

之後也。昆。兄也。子孔。鄭襄公。兄孔張之祖父。執政之嗣也。子孔嘗執鄭國之政。為嗣大

夫。承命以使。周於諸侯。國人所尊。諸侯所知。立於

朝而祀於家。卿得自立廟於家。使去聲。下以使同。有祿於國。受祿邑。有賦於軍。

軍出卿賦百乘。喪祭有職。有所主。受脤歸脤。受脤謂君祭以肉賜大夫。歸脤謂大夫祭歸肉於公。皆社之戎

祭也。○脤。市軫反。○孔疏。大夫不得私自出軍。自祭私社。而得歸脤於公者。謂大夫奉君命。以戎事攝祭於社也。其祭在廟。

已有著位。在位數世。世守其業。而忘其所。僑焉得

恥之。其祭在廟。謂助君祭。辟邪之人。而皆及執政。是先王無刑

罰也

言為過謬者自應用刑罰。辟匹亦反。

子寧以他規我

規正也

宣子有環其

一在鄭商

玉環同工共於自共為雙

宣子謁諸鄭伯

謁請也

子產弗與曰

非官府之守器也。寡君不知。子大叔子羽謂子產

曰。韓子亦無幾求

言所求少

晉國亦未可以貳。晉國韓子

不可偷也

偷薄也

若屬有讒人交鬪其間

音屬

鬼神而助

之以興其凶怒悔之何及。吾子何愛於一環。其以

取憎於大國也。盍求而與之。子產曰。吾非偷晉而

有二心。將終事之。是以弗與。忠信故也

所以盡忠於宣子而守與晉

也。僑聞君子非無賄之難立而無令名之患。僑聞

之信也



爲國非不能事大字小之難。無禮以定其位之患。夫大國之人。今於小國而皆獲其求。將何以給之。一共一否。爲罪滋大。滋益也大國之求。無禮以斥之。何饜之有。吾且爲鄙邑。則失位矣。不復成國若韓子奉命以使而求玉焉。貪淫甚矣。獨非罪乎。出一玉以起二罪。吾又失位。韓子成貪。將焉用之。且吾以玉賈罪。不亦銳乎。銳細小也。賈音古。韓子買諸賈人。既成賈矣。商人曰。必告君大夫。韓子請諸子產。曰。日起請夫環。執政弗義。弗敢復也。復重求也。成賈音嫁。今買諸商人。商人曰。必

以聞敢以為請。子產對曰：昔我先君桓公與商人

皆出自周。鄭本在周畿內桓公東遷并與商人俱庸次比耦。庸用也。用次更相從耦耕。○比毗志反。○言與商

人用次序相比而耦耕也以艾殺此地，斬之蓬蒿藜藿而共處之。世

有盟誓，以相信也。曰：爾無我叛，我無強賈。無強市其物。○艾魚廢反。

藿徒弔反。強其丈反。賈音古。毋或勾奪，爾有利市寶賄，我勿與知。恃

此質誓，故能相保，以至于今。今吾子以好來辱，而

謂敝邑強奪商人，是教敝邑背盟誓也。毋乃不可

乎？吾子得玉而失諸侯，必不為也。若大國令而共

無藝。藝法也。鄭鄙邑也。○則是鄭國為晉邊鄙之邑。亦弗為也。不欲為鄙邑之事。僑

若獻玉不知所成敢私布之也布陳韓子辭玉曰起不

敏敢求玉以徼二罪敢辭之傳言子產知禮夏四月鄭

六卿餞宣子於郊餞送行飲酒宣子曰二三君子請皆賦

起亦以知鄭志詩言志也子蠶賦野有蔓草子蠶子皮之子也齊也野有蔓草詩鄭風

取其邂逅相遇適我願兮○蠶才何反宣子曰孺子善哉吾有望矣君子相願也己所望也子

產賦鄭之羔裘言鄭別於唐羔裘也取其彼己之子舍命不渝邦之彥兮以美韓子宣子曰起不

堪也不堪圍之司直子大叔賦褰裳褰裳詩曰子惠思我褰裳涉溱子不我思豈無他人言宣子思己將有褰裳

之志如不我思亦豈無他人宣子曰起在此敢勤子至於他人乎言己今崇

好在此不復令子適他人子大叔拜謝宣子之有鄭宣子曰善哉子之言是是褰裳

不有是事其能終乎

韓起不欲令鄭求他人子犬叔拜以答之所

不善其終惟有是警戒當能終於好

子游賦風雨

子游駟帶之子駟偃也風雨詩取其既見君子云胡不夷

子旗

賦有女同車

子旗公孫段之子豐施也有女同車取其洵美且都愛樂宣子之志

子柳賦摯兮

子柳印段

之子印癸也摯兮詩取其偕子柳女言宣子偕已將和從之○摯他洛反

宣子喜曰鄭其庶乎

庶幾於與盛

二三君子以君命貺起賦不出鄭志

六詩皆鄭風故曰不出鄭志

皆

昵燕好也

昵親也賦不出其國以示親好○昵女乙反

二三君子數世之主也

可以無懼矣宣子皆獻馬焉而賦我將

我將詩頌取其日靖四方我其

夙夜畏天之威言志在靖亂畏懼天威

子產拜使五卿皆拜曰吾子靖亂敢

不拜德宣子私覲於子產以玉與馬曰子命起舍

夫玉是賜我玉而免吾死也。敢不藉手以拜。以玉馬藉手拜謝

○公至自晉。晉聽公歸子服昭伯語季平子。昭伯惠伯之子子服回也隨公從晉還

曰：晉之公室其將遂卑矣。君幼弱，六卿彊而奢傲。

將因是以習，習實為常，能無卑乎？平子曰：爾幼惡

識國。昭伯尚少平子不信其言。惡平聲

○秋八月，晉昭公卒。為下平子如晉葬起

○九月，大雩，旱也。鄭大旱，使屠擊祝款，豎柎，有事

於桑山。三子鄭大夫有事祭也。柎音附斬其木，不雨。子產曰：有事于

山，藝山林也。藝養護令祭殖。藝音藝而斬其木，其罪大矣。奪之官

邑

○冬十月季平子如晉葬昭公平子曰子服回之

言猶信

自往見之乃信回言

子服氏有子哉

有賢子也

經十有七年春小邾子來朝○夏六月甲戌朔日

有食之○秋邾子來朝○八月晉荀吳帥師滅陸

渾之戎○冬有星孛于大辰

大辰房心尾也妖變非常故書大火謂之大辰大辰蒼龍宿

之體心在中最明故以候四時宗音佩彗星也狀似掃帚光芒孛孛然

○楚人及吳戰于長岸

吳楚兩敗

莫肯告負故但書戰而不書敗也長岸楚地○今江南太平府當塗縣西南三十里有西梁山與東梁山夾江相對如門之闕亦曰天門山郡國志云春

秋楚獲吳乘

舟餘皇處也

傳十七年春小邾穆公來朝公與之燕季平子賦

采叔

采叔詩小雅取其君子來朝何錫與之以穆公喻君子

穆公賦菁菁者莪

菁菁者莪亦詩小雅取其

既見君子樂且有儀以答采叔

昭子曰不有以國其能久乎

嘉其能答賦言其賢故能久有國

○夏六月甲戌朔日有食之祝史請所用幣

禮正陽之月日

食當用幣於社故請之

昭子曰日有食之天子不舉

不舉盛饗

伐鼓於社

責羣

諸侯用幣於社

責上

伐鼓於朝

退自責

禮也平子禦之

也

曰止也唯正月朔慝未作日有食之於是乎有

伐鼓用幣禮也其餘則否大史曰在此月也

正月謂建巳正

陽之月也於周為六月於夏為四月慝陰氣也四月純陽用事陰氣未動而侵陽災重故有伐鼓用幣之禮也平子以為六月非正月故大史答言在此

也。月日過分而未至。過春分而未夏至。三辰有災。三辰日月星也。日月相侵又犯是宿。故三辰皆為災。

於是乎百官降物。降物。素服。君不舉。辟移時。辟。正寢。過日食時。樂奏。

鼓。伐鼓。奏進也。樂官進鼓則伐之。故云伐鼓。祝用幣。用幣。於社。史用辭。用辭。以自責。故夏書

曰。辰不集于房。逸書也。集。安也。房。舍也。日月不安其舍。則食。今消征。瞽奏鼓。瞽。樂師。嗇夫

馳。庶人走。車馬曰馳。步曰走。為救日食備也。此月朔之謂也。當夏四月。謂

之孟夏。言此六月。當夏家之四月。平子弗從。昭子退曰。夫子將有異

志。不君君矣。安君之災故。曰有異志。

○秋。郟子來朝。公與之宴。昭子問焉。曰。少皞氏烏

名官。何故也。少皞。金天氏黃帝之子。己姓之祖也。問何故以烏名官。少皞氏身號。金天氏代號也。下炎帝大皞等同。炎



子曰吾祖也我知之昔者黃帝氏以雲紀故為雲

師而雲名

黃帝軒轅氏姬姓之祖也黃帝受命有雲瑞故以雲紀事百官師長皆以雲為名號緝雲氏蓋其一官也○緝音進○孔

疏百官師長皆以雲為名號即是以雲紀綱諸事也

炎帝氏以火紀故為火師而火名

炎帝神農氏姜姓之祖也亦有火瑞以火紀事名百官

共工氏以水紀故為水師而水

名

共工以誦侯霸有九州者在神農前犬皞後亦受水瑞以水名官

犬皞氏以龍紀故為龍師

而龍名

犬皞伏羲氏風姓之祖也龍瑞故以龍命官

我高祖少皞摯之立也鳳

鳥適至故紀於鳥為鳥師而鳥名鳳鳥氏歷正也

鳳鳥知天時故以名歷正之官

立鳥氏司分者也

立鳥燕也以春分來秋分去

伯趙氏司

至者也

伯趙伯勞也以夏至鳴冬至止

青鳥氏司啓者也

青鳥鷦鷯也以立春鳴立夏止○鷦音倉

鷓亦作鷓於諫反丹鳥氏司閉者也丹鳥鷓雉也以立秋來立冬去入大水為蜃上四鳥皆歷正之屬官○鷓

必滅反祝鳩氏司徒也祝鳩鷓鳩也鷓鳩孝故為司徒主教民鷓鳩氏司馬也鷓鳩王鷓

也鷓而有別故為司馬主法制○鷓七徐反鷓鳩氏司空也鷓鳩鷓鷓也鷓鳩平均故為司空平水土○鷓簡八反鷓居

六爽鳩氏司寇也爽鳩鷓也鷓故為司寇主盜賊鷓鳩氏司事也鷓鷓鷓鷓也春

來冬去故為司事五鳩鳩民者也鳩聚也治民上聚故以鳩為名五雉為五工正

五雉雉有五種西方曰鷓雉東方曰鷓雉南方曰翟雉北方曰鷓雉伊洛之南曰鷓雉鷓音存鷓側其反鷓又作希利器用正

度量夷民者也夷平也九扈為九農正扈有九種也春扈鷓鷓夏扈鷓鷓秋扈鷓鷓冬

扈編黃棘扈編丹行扈啗啗宵扈噴噴桑扈竊脂老扈鷓鷓以九扈為九農之號各隨其宜以教民事○鷓扶云反鷓教倫反啗側百反噴音青

扈民無淫者也扈止也止民使不淫放自顓頊以來不能紀遠乃

紀於近。為民師而命以民事。則不能故也。

顛頊氏代少皞者德

不能致遠瑞而以民事命官

仲尼聞之。見於郊子而學之。

於是仲尼年二十八既

而告人曰。吾聞之。天子失官。學在四夷。猶信。

失官官不脩其

職也。傳言聖人無常師。

○晉侯使屠蒯如周。請有事於雒。與三塗。

屠蒯晉侯之膳宰也。以忠

諫見進雒水也。三塗山名在陸渾南。

萇弘謂劉子曰。客容猛。非祭也。其伐

戎乎。陸渾氏甚睦於楚。必是故也。君其備之。乃警

戎備。

警戒以備戎也。欲因晉以合勢。

九月丁卯。晉荀吳帥師。涉自棘津。

河津名。今在河南衛輝府胙城縣北。

使祭史先用牲于雒。陸渾人弗知。師

從之庚午遂滅陸渾數之以其貳於楚也陸渾子

奔楚其衆奔甘鹿甘鹿周地周大獲先警戎備故獲宣子夢文公攜

荀吳而授之陸渾故使穆子帥師獻俘于文宮欲以應夢

○冬有星孛于大辰西及漢復之八月辰星見在天漢西今孛星出辰西光芒東及天漢

申須曰彗所以除舊布新也申須魯大夫彗似鏡反天事恒象天道恒以

象類告示人今除於火火出必布焉諸侯其有火災乎今火向伏

故知當須火出乃布散為災梓慎曰往年吾見之是其徵也徵始有形象而微也火

出而見前年火出時見音現今茲火出而章必火入而伏隨火沒也其

居火也久矣歷二年其與不然乎言必然也。邵氏竇曰其與語辭猶曰其諸火出

於夏為三月謂昏於商為四月於周為五月夏數得

天得天正。斗柄所指一歲十二月分為四時夏以建寅為正則斗柄東指為春南指為夏是為得天四時之正也若火作

其四國當之在宋衛陳鄭乎宋大辰之虛也大辰大

野。虛。起居反陳大皞之虛也大皞居陳木火所自出鄭祝融之虛也祝融高

火正。居鄭皆火房也房舍也星孛及漢漢水祥也天漢水也衛顓頊之

虛也故為帝邱衛今濮陽縣昔帝顓頊居之其城內有顓頊冢其星為大水衛星營室營室

水也水火之牡也牡雄也。陰陽書有五行嫁娶之法火畏水故以丁為壬妃是水為火之雄其以丙

子若壬午作乎水火所以合也丙午火壬子水水火合而相薄水少而火多故水不勝火

彗在大辰為多及漢為少是水少而火多也若火入而伏必以壬午尚未知今彗星當復隨火星俱

伏否故言若

不過其見之月

火見周之五月

鄭裨竈言於子產曰宋

衛陳鄭將同日火若我用瓘斝玉瓚鄭必不火

瓘珪也斝

玉斝也瓚斝也欲以禳火瓘古亂反斝上若反瓚如羊反

子產弗與

以為天災流行非禳所息故也為明年宋衛陳鄭災傳

○吳伐楚陽句為令尹卜戰不吉

陽句穆王曹孫令尹子瑕

司馬子

魚曰我得上流何故不吉

子魚公子魴也順江而下易用勝敵

且楚故司馬

令龜我請改卜令曰魴也以其屬死之楚師繼之

尚大克之吉

得吉兆魴音房

戰于長岸子魚先死楚師繼之

大敗吳師獲其乘舟餘皇

餘皇舟名

使隨人與後至者守

之環而塹之及泉

環周也塹七豔反

盈其隧炭陳以待命

隧出入道

吳公子光光諸樊子闔廬請於其衆曰喪先王之乘舟豈唯

光之罪衆亦有焉請藉取之以救死藉衆之力以取舟衆許

之使長鬣者三人長鬣多髯鬚與吳人異形狀詐為楚人潛伏於舟側曰我

呼餘皇則對師夜從之師吳師也三呼皆迭對迭更也楚人從

而殺之楚師亂吳人大敗之取餘皇以歸傳言吳光有謀

春秋左傳杜注卷第二十三